



FOTO AINAL MARHATON ABD GHANI/BH

# UMP komited tingkat kemahiran industri, belia

BERITA HARIAN | MEI 2016 (PENDIDIKAN) | M 31

→ Sasar UAE jadi pusat sehati, salur maklumat, ilmu kepada masyarakat

Oleh Nik Sukry Ramli  
niksukry@bh.com.my

► Kuantan

**U**MP Advanced Education (UAE) komited untuk menjadi pemangkin kepada usaha penyediaan latihan dan peningkatan kemahiran kepada industri dan masyarakat, terutama belia.

Pengerusi Lembaga Pengarahnya, Datuk Azmey Abu Talib, berkata komitmen itu sejajar dengan agenda pembelajaran sepanjang hayat (PSH) digariskan dalam Pelan Pembangunan Pendidikan Malaysia (Pendidikan Tinggi) 2015-2020 dan Pelan Induk PSH Peringkat Nasional (2011-2020).

"Memang menjadi komitmen UAE dalam mendukung aspirasi Universiti Malaysia Pahang (UMP) untuk muncul sebagai satu daripada universiti awam terulung di pantai timur.

"Sudah pasti UAE menyasarkan untuk menjadi pusat sehati kepada universiti itu dalam menyalurkan maklumat dan ilmu pengetahuan melalui penganjuran seminar dan bengkel secara berterusan kepada masyarakat," katanya.

Beliau berkata demikian ketika berucap merasmikan Majlis Peng-

hargaan dan Malam Gemilang UAE di sini, malam kelmarin.

Yang turut hadir, Pengerusi Lembaga Pengarah UMP, Datuk Seri Mohd Hilmei Mohd Taib; Naib Canselor UMP, Profesor Datuk Dr Daing Nasir Ibrahim dan Presiden Majlis Belia Malaysia (MBM), Mu'amar Ghadafi Jamaluddin.

**MoU antara UMP, MBM**

Pada majlis itu, turut berlangsung pertukaran memorandum persefahaman (MoU) antara UMP dan MBM serta penyerahan nota kerjasama antara UAE dengan Fakulti Pengurusan Industri dan Fakulti Kejuruteraan Pembuatan UMP.

Mengulas mengenai MoU dengan MBM itu, Azmey berkata, ia adalah perancangan jangka panjang yang sangat bagus dalam usaha memastikan aspek pendidikan diperluas untuk melahirkan modal insan berkualiti, berilmu dan berdaya saing.

"Melalui kerjasama ini, kami berharap dapat melahirkan 'Belia Berilmu Pengetahuan dalam Pendidikan Teknikal dan Latihan Vokasional (TEVT),' katanya.

→ **Pelancaran Hari Guru Peringkat Kebangsaan Ke-45** bertemakan "Guru Pembina Negara Bangsa" pada 16 Mei 2016 di Universiti Malaysia Sabah

**Azmey (dua dari kiri) menyerahkan sumbangan RM1 juta kepada Mohd Hilmei pada Majlis Penghargaan dan Malam Gemilang UAE di Kuantan, kelmarin.**

Info

**UMP Advanced Education (UAE)**

- **Ditubuhkan** pada 2014
- **Sebelum ini** dikenali Pusat Pengajian Berterusan dan Pembangunan Profesional
- **Berperanan** sediakan pembangunan sumber manusia
- **Pemangkin** kepada UMP dalam sediakan peluang pendidikan kepada sektor industri dan masyarakat